

*In sacra pagina*

D. D.

IN SACRA MATERIA  
HISTORIOLA  
ORATIONIS HUMANÆ,  
QUATTUOR ÆTATIBUS DESCRIPTÆ.

---

SECTIO PRIMA,

QUAM

CONSENT. AMPLISS. ORD. PHILOS. ACAD. ABOENS.

*Publico examini modeste offerunt*

FRANCISCUS M. FRANTZÉN,

PHIL. MAG.

ET

MATTHIAS ENEGREN,

STIP. VAHL,

OSTROBOTNIENSES.

IN AUDITORIO MAJORI DIE XV. DECEMBRIS MDCCXCI.

*Horis confvetis.*

---

ABOÆ, Typis FRENCKELLIANIS.

IN SACRAM REGIAM MAJESTATEM  
SPECTATÆ FIDEI VIRO,  
IN LYCEO ABOËNSI ELOVENTIAE PROFESSORI,  
NEC NON  
REG. ACAD. LITT. HUM. HIST. ET ANTIQUITT. MEMBRO,  
AMPLISSIMO ET CELEBERRIMO DOMINO,  
*Mag. HENRICO GABRIELI*  
*PORTHAN,*

PATRONO OMNI ANIMI VENERATIONE COLENDO!

**Q**uem calor sovit tuus, ALME NOSTER  
Phœbe! -- traductum Boreæ nivola  
Ex domo, ut fontes biberet, sibi hic quos  
Musæ sacravit,  
Limpidos, pingui nebula natantis  
Vallis: illustras ubi res remoti  
Ævi (ut ex alta specula videndas);  
Fervidus idem  
Evehis plantas populi futuri --  
Surculus, quamvis neque fronde splendens,  
Nec potens radice, facret TIBI huncce,

Adnue, fructum!

NOMINIS CELEBRIS

*cultor devotissimus*  
FRANCISCUS M. FRANTZÉN,



Quum prorepserunt primis animalia terris,  
*Matum & turpe pecus*, glandem atque cubilia propter,  
Ungnibus & pugnis, dein fustibus, atque ita porro  
Pugnabant armis, quæ post fabricaverat usus:  
*Donec verba, quibus voces sensusque notarent,*  
*Nominaque invenerent.*

HORATIUS.

*Introitus.*

**I**nter res illas, quibus Homo brutis præstat animantibus, hæc princeps esse videtur omniumque ceterarum fons: quod cum horum natura una eademque perpetuo manet, humanum ingenium altius altiusque semper adscendit. Nascitur enim Homo non nisi animal, postea autem se Hominem efficit: non singulo solum individuo, sed toto etiam genere ab infantiae incunabulis ad maturorem surgente ætatem. Ut nempe ingenium animusque infantum (sicut ex o-

A pinio-

2

nione veteri corpus catulorum uræ), non nisi parentum cura formatur; sic genus humanum, primum rude & agreste, non nisi plurium sæculorum laboribus politum est atque excultum. Majorum nempe magis sudori ac curæ, quam nostris viribus, copio-sam debemus frugem, quam artes scientiæque nobis jam efficiunt.

Qui in magna natus educitusque urbe, non nisi celsas arces, templa augusta superbaque palatia videt; is artis, quæ ea exstruxit, vim fatis admirari ne-  
scit: nisi rus parvaque ad oppida profectus, exigua tuguria humilesque subierit casas. Sic qui, illustri tempore, excultas inter gentes, vitam agit; veram sibi formare imaginem humanæ haud potest sollertiæ, nisi ad primos ejus descendenterit conatus. Quod intelligentes, nostro maxime tempore, litterarum cultores, in Historia exponenda Hominis elaborare cœperunt, ad Anthropologiam, quain dicunt, tractandam certatim fere se applicantes: admonitione POPII, Homini-nis cognitioni studere hominum esse proprium,

*The proper study of mankind is man (a) canentis, quasi commoti. Qua in via versantes, cum cito*

---

(a) *Essay on Man* Ep. II.

cito animadverterent, linguam non modo quasi mensuram esse culturæ ingenii humani, sed etjam veluti rhombum, quo evolvuntur ideæ, in mente conglomeratæ; non potuerunt, quin ad originem & progressus, insignis, quæ hominem in animantium cohorte tam præclare distinguit (*b*), facultatis, notiones animæ articulata enunciandi voce, investigandos sese accingerent.

Clarorum igitur virorum, inter quos MONCDO  
(*c*) palmam a ceteris obtinuit, studio & ingenii  
acumine, hac explicata re & ante oculos quasi expo-  
sita; cum amoenum non minus quam fructuosum ea

A 2

of-

---

(*b*) Auctor libri: *Anmerk. und Zweifel über die gewöhnl.  
Lehrsätze vom Wesen der menschl. und der thier. Seele*,  
Riga, 1774. putat (p. 114. & sqq.) animalibus æque ac  
hominibus suam esse linguam, nec maius inter illam &  
vel Grönlandicam esse discrimen, quam inter hanc & An-  
glicam, aut sermonem Rustici inter & Messiadem Klopp-  
stockii. Cœcam quidem, cujus ipsa non conscientia sunt, ex  
instinctu oriundam, facultatem sensa sua significandi, ce-  
teris etjam animantibus lubenter adserimus; in contextu  
autem definitam nemo sanus tribuet.

(*c*) *Of the origin and progress of Language*; Cujus Ger-  
manica nos utimur versione, ed. Riga 1784 & 1785.  
8:vo.

offerre nobis videretur spectaculum, admirandæ Homini-  
nis vis, arte quadam suum quasi refundendi & perficiendi  
ingenium: ut qui mutus e naturæ manibus egressus,  
sensim balbutire incipiens, postremum divina quasi  
dicendi vi suorum percellat animos, totosque populos  
ac respublicas oratione sua flectat, fingat, dirigat —;  
specimen edituri Academicum, extremas hujus pictu-  
ræ lineas rudi carbone describere, constituimus. Su-  
mite, monebit Lector (vereor), cum Horatio,

*Sumite materiam vestris, qui scribitis, æquam  
Viribus & versate diu, quid ferre recusent,  
Quid valeant humeri.*

Ingenui fatemur, nos pueri instar ineauti agere,  
qui cum in alti cacumine montis pulchros animad-  
verterit flores, ad eos legendos arduas temere scan-  
dit rupes, non memor se una cum saxis devolutis præci-  
pitem factum, collum & membra sibi defringere facile  
posse. Speramus autem Lectores, quos non multos  
fore anguramur indeque nos consolamur, juveni ju-  
venilem benigne ignoturos esse conatum.

---

Conjicienti in rem, quam nobis tractandam sum-  
fimus, oculos cuique, vel nemine monstrante, mox ap-  
parebit: eodem gradu linguam ad copiam & cultum,

ac hominem ad humanitatem processisse. Arboris enim instar, quæ, ut ramis magis accrescit, ita pluribus vestitur foliis; Homo ut in rerum scientia magis profecit, ita verborum majorem sibi formavit numerum. Variæ autem fuere humani ingenii conditiones, variæ igitur & orationis: ut singuli hominis, sic totius generis loquendi ratione, pro diversis ejus ætatis hinc differente. Alia fuit lingua hominis in barbarie adhuc jacentis, alia furgentis, alia ad culmen pervenientis, alia jam retro ruentis. In quattuor ideo epochas Historia Orationis Humanæ dispisci commode posse nobis videtur. Prima erit Ætas *Puerilis* seu *Barbara*, (in quam incidit  $\chi\varrho\nu\nu\sigma\alpha\delta\eta\lambda\omega\tau$  Græcorum); II. *Juvenilis* seu *Poëtica* (quacum coincidit  $\chi\varrho\nu\nu\sigma\alpha\mu\theta\eta\kappa\omega\tau$  μοδικον); III. *Virilis* seu *Philosophica, Historica & Facunda*, (quæ est  $\chi\varrho\nu\nu\sigma\alpha\iota\sigma\eta\kappa\omega\tau$  ισογειον); IV. denique Ætas *Senescens* seu *Corrupta*. Omnibus enim rebus humanis ea videtur esse lex injuncta, ut ab exiguis profectæ initiis, florem primo, fructum deinde ferant, & cum altius ascendere non valent, deorsum eant, in meridie haud diu manentes. Primam harum ætatem primo considerabimus, celeriter eam percursuri, quia tardius procedenti, omnia accuratius lustranda forent, quam nobis vel vires vel patientia permittant.

## Sectio I.

Ætas Puerilis seu Barbara.

## §. I.

Quod animalia (vi sui instinctus), indocta, facile faciunt; hoc Homo, ratione ornatus, non nisi magno studio & arte efficere valet. Hirundo, omni instrumento omnibusque destituta regulis ædificandi, nidum suum follerter construit; Homo in cavernis & sub tegmine arborum diu habitavit, antequam ædes facere disceret. Grues, ad terras incognitas, instructo agmine, sine tabulis Geographicis & pyxide nautica tuto proficiscuntur; Homo per plura sæcula littora premebat iniqua, antequam altum urgere, arte navigandi certiore redditæ, auderet. Verbo, omnibus in rebus instinctus promtior quam ratio est. Sic, ut nostram mox adgrediamur rem, apes susurrare, aves canere sine ulla disciplina sciunt; Homo, non nisi magno adhibito labore, loqui disicit.

In diversas quidem de prima *linguæ origine* viri docti abierunt sententias: aliis, eam humanæ naturæ adeo esse insitam contendentibus, ut sua sponte, nulla

7

la nostra accedente cultura, progerminare illam o-  
porteat (*d*); aliis, artem & usum hujus, æque ac ce-  
terarum rerum, quibus homo inter animantes eminet,  
matrem esse judicantibus. Horum rem MONBODDO  
(*e*) (inter ceteros) fortissimis defendit armis, cum  
ex indole & animi & orationis humanæ, tum ab  
experientia desumtis. Observat nempe primum, o-  
rationem duabus constare partibus, materia & formâ  
(corpore dicas & animâ), nimirum sonis & ideis  
(abstractis sc. & generalibus, has enim solas vult i-  
deas vocari, imagines rerum sensibus in mente im-  
pressas non nisi materiam esse unde illæ formentur,  
docens): deinde, ideas in duas cum Platone re-  
digens

---

(*d*) Vid. e. c. Algem. Deutsche Bibl. Th. 22. p. 562.

“Die sprache findet der Verfasser (Entwurf zu der W. St-  
Erd und Menschengesch. nebst einen Versuche, den ursprung  
der sprache zu finde. Frankf. und Leipz. 1738) der mens-  
schen Von natur eigen, so daß er sagt, jedes Kind  
würde sich eine sprache bilden, wenn es nicht ange-  
genährt würde die Von seine Eltern und gespielen zu ler-  
nen”. Eandem sovet sententiam DE BROSSES, Traité  
de la formation mechanique des langues & des princi-  
pes Physiques de l' Etymologie, T. II. p. 7.

(*e*) L. I.

58

digens classes, alias, quas ex materia rerum sensibus perceptarum animus format, alias, quas in se ipsum suam vertendo aciem (*reflectendo* quod dicunt) creat (LOCKIO *ideas of reflection*); utraque hæc singere idealium generæ, mentem humanam non nisi usu disce-re studioque diligenti (eadem ratione ac magnitudi-nes & distantias rerum oculis discernere docemur), demonstrat. Alteram porro orationis partem, sonos simiruni articulatos, quibus ideæ externe se pro-dunt, homini non esse naturalem, vel ex artificio organorum in loquendo motu (*f*) judicat, vel ex muto-rum surdorumque exemplis (ut in silvis educatos homi-nes taceamus), qui aut nunquam, aut non nisi incredi-bili superato labore, loqui discunt: cuius tamen rei aliqua memorantur documenta, inventa a D. JOH. WALLIS admiranda arte, ac deinde EDINBURGI a BRAID-WOOD & LUTETIÆ PARISIORUM ab Abbe DE L'E-PÈE, præter alios alibi, feliciter exercita (*g*). Cum ergo

---

(*f*) Hujus rei curiosi adeant (jubet noster) DIONYSIUM HALICARNASSENUM (*de Compositione*).

(*g*) Vid. MONBODDO L. I. c. 14 p. 167; ubi in ceteris Pi-ctoris surdi & muti nati mentionem facit, quem BRAID-WOOD & loqui & scribere Anglice docuerat.

9

ergo utramque orationis partem, & ideas & sonos, formare, usu fit discendum; hominem naturaliter loqui non magis, quam vestes & ædes sibi facere, in confessio est (h).

Hæc sententia, quamvis contraria esse videatur opinioni HERDERI, qui (præclarus etjam ille de hac re scriptor (i)) hominem, quatenus homo est ac

B

ani-

---

(b) Fabula, quam refert Herodotus, Ægypti Regem, Psammeticum, quo pateret, quenam lingua antiquior esset, Phrygica an Ægyptiaca, duos infantes ita educare justisse, ut humanam non audirent vocem, quos cum biennes essent, Beck, Beck, quod Phrygice panem significat, clamitasse, refelli haud meretur. Est vero ei sacomæ instar, quod Jesuitæ narrant: Regem sc. Indicum triginta infantes similiter ab omni separasse hominum confortio, religionem gentis, cuius linguam loquerentur, veram habiturus; illos vero ne sonum quidem, qui intelligi posset, edidisse, multo minus perfectam locutos fuisse linguam: unde regem illum stultissimum judicasse, nullam colere religionem optimum esse. Vid. GOTTFR. IROFENS Phil. Ged vom Sprachfehlera. Hamb. 1760. p. 21.

(i) Preisschrift über den Ursprung der Sprache, (conjunctione cum Preisschrift über die Ursachen des gesunkenen Geschmacks bei dem versch. Völker.) ed. Eerol. 1789, 8:vo.

animal ratione instructum, non posse non loqui existimat; facile tamen conciliari utraque potest: non enim statim est, sed sit homo: semina quidem & rationis & orationis naturae dona sunt, sed egent artis cultura, ut crescant; nec ratio, nisi linguæ palo ad juncta, viget; atque diversas esse facultatem loqui descendit & facultatem loquendi (seu ut Metaphysici loquuntur, potentiam & facultatem), ac ab una ad alteram transitum posse fieri, nemo non cernit. Videtur nobis Homo, cum suam cogitandi & loquendi vim consideramus, horologio non incommodè ad similitudinem posse; quod quidem a natura omni instructum est apparatus, cum ad intrinsecus agendum, tum ad extrinsecus sonis id significandum demens, necessario; quod tamen non nisi artis manu concitatum & quasi irritatum, munere suo fungi incipit.

## §. II.

Indubium ergo habemus, os hominis a clamando ad loquendum, similiter ac pedes ab eundo ad saltandum, arte formari. Cum autem & haec, non nisi exulto ingenio humano, inveniri, nec ingenium humanum, nisi illa inventa, excoli posse videretur; viris clarissimis hoc tanto fuit offendiculo, ut vel

divi-

divinam linguae adsererent originem (k), vel nihil de hac re posse disputari existimarent (l). Videtur

B 2

hic

(k) Qui hoc faciant, hi præcipue nobis sunt noti: SÜSSMILCH, *Versuch eines beweise<sup>r</sup>, daß die erste sprache ihren ursprung nicht vom menschen, sondern allein von Schöpfer erhalten habe.* Berl. 1769. (Recent. Allgem. Deutsche Bibl. Th. 10 p. 174, ubi nihil minus, quam demonstrationem eam esse, ostenditur); PLOUCQVET, *de origine sermonis* (Vid. STEEB über den Menschen p. 1080); FORNEY, *Reunion<sup>r</sup> des principaux moyens employés pour decouvrir l'origine du langage, des idées & des connaissances des hommes* (Vid. Hist. de l'Acad. Roy. des sciences & des belles lettres, l'année 1759. Berl. 1766).

(l) "Vor nicht langer zeit zweifelte man, ob sich über den ursprung der sprache mit irgend einigen erfolge Philosophiren lasse, man glaubte bey der veraussetzung der menschlichen erfundung derselben schwierigkeiten über schwierigkeiten zu sehen." Vid. Allgem. D. Bibl. Th. 22 p. 542. Ille ROUSSEAU: "Effrayé, inquit, des difficultés qui se multiplient, & convaincu de l'impossibilité presque démontrée, que les langues ayent pu naître & s'établir par des moyens purement humains, je laisse à qui voudra l'entreprendre, la discussion de ce<sup>e</sup> difficile problème; le quel a été plus nécessaire, de la société déjà liée à l'institution des langues, ou des langues déjà inventées, à l'établissement de la Société" Sur l'origine & les fondemens de l'inegalité parmi les hommes. Vid. OEUVRES de J. J. ROUSSEAU T. II. p. 32. Ed. Amit. 1769,

error ex falsa esse natus persuasione, linguae in eundis  
 quasi jacentis, eandem ac proiectiore aetate, fuisse spe-  
 ciem. Deum autem immediatum orationis humanae  
 habere auctorem: & Philosophiae judicio, quae non  
 sicut Poësis Epica, Deos e machina, nulla urgente  
 necessitate, devocat, & Mosis testimonio vetamur.  
 Nam cum ille commemorat: “Deum ad hominem  
 “bestias omnes terrestres, quas ex terra formaverat,  
 “omnesque aëreas volucres adduxisse, ut videret, quo-  
 “modo eas nuncuparet, ut quo quamque animantium no-  
 “mine Adamus appellasset, id esset ejus nomen”; ex vetu-  
 sta hac poëtici moris narratione, & ad captum ho-  
 minum, quibus communicabatur, scite adaptata (qui  
 sicut Gentiles omnia dæmonum & deastrum auxilio  
 fieri credebant, Deum non modo naturæ eventus, sed  
 hominum etiam actiones immediate dirigentem sibi  
 conceipibebant), Philosophus hunc elicit sensum, gene-  
 fin orationis (de qua infra) pulcherrime illustrantem:  
 nimirum, *Homo, cum innumeris circumdatuſ effet anima-  
 libus, & terrestribus & volucribus, quorum varix voces  
 aures ejus percellerent, ad singula animum attendendo, &  
 ejusque vocem imitando, nomina eis dedit, sibique lin-  
 guam formavit.* Observatu dignum est, nec solem,  
 nec flores, & ne arbores quidem, quas tamen fru-  
 ctus

Etus earum, qui indubie præcipuum fuit primorum hominum nutrimentum, familiares eis reddere cito debuit, nec ceteras res mutas, inter ea memorari, ad quæ nuncupanda Adamus adduceretur. Evidenter adeo (& Philosophice non minus, quam Poëtice) humanam linguæ originem, imitatione exortæ rerum sonantium (Cfr. §. 4), facer hic scriptor adumbrat. Cum ad hoc accedit, ipsam formam ac structuram linguæ, humanum manifeste prodere conatum (ut de exemplis rudium, quæ hodie sunt, linguarum non loquamur); tuto contendimus, temere a viris eruditis eam divinæ habitam esse originis.

Inter hos autem, alii, copiosam & ad artis regulas elaboratam linguam, Deum primis dono dedisse hominibus, arbitrantur: locupletius sane donum, quam quo opus haberent, aut uti seirent, quodque conservatum proli suæ hæreditati relinquere haud possent. Alii, non nisi nutu quodam divino eos in viam esse deductos, qua progressi linguam sibi ipsi invenerint, prudentius judicant (*m*). Num vero immediato Numinis indicante omnino opus erat auxilio,

(*m*) Sic BLAIR (Rhetorik, Deutsch 1785 Th. I. p. 159) & STEEB. (I. c. p. 1040).

eum tota natura sonans, ad imitandum pronissimum omnium animantium, & cum organis ad sonos articulatos proferendos, tum ratione ad ideas formandas instructum hominem, ad loquendum satis excitaret? Primos igitur homines linguam sibi ipsos formasse, jure nobis videmur posse concludere.

An vero omnes, quæ hodie vel vivunt vel mortuæ sunt, diversarum gentium linguae, ex una oriundæ sint matre: res est, quam dijudicare non audemus. Nam neque rudes barbararum gentium sermones, præfertim in America vagantium, qui recentiorem utique olent originem, a prima illa stirpe esse propagatos, facile credas; nec incensa semel inter homines volucri orationis flamma, quantamcunque vim habent temporum tempestates, eam ita umquam extingui potuisse: ut ne scintillis quidem restantibus, nova plane in unaquaque orbis ora, ubi homines agrestes bestiarumque similes errarent, singulæ elicienda esset cohorti: verisimilius est. Ut cunque fuerit, plurimi s certe & Æuropæ & Asiæ & Africæ linguas unius esse prosapiæ (n), quamvis facies earum hodiernæ cognitionem non magis prodant, quam vel hominum

inter

---

(n) Vid. MONBODDO L. III. c. 11, 12, 13.

inter se, ex uno tamen tritavo natorum, credendum est. Qua in re Arabicæ v. c. & Sueticæ dissimilitudine non magis offendaris, quam vel Negritæ & Lapponis, qui tamen ex uno orti sunt Adamo; immensa enim est temporis & loci ad mutandum vis. Remoto igitur jam qualiterunque impedimento, quod nobis dedit prætensa orationis humanæ immediate divina origo; ad rationem, qua homines eam formaverint, spectandam nos conferemus.

### §. III.

Etjam ii, qui linguam articulatam homini naturalem esse affirmant, eam non nisi favente commercio duorum saltem hominum se exercere potuisse, concedunt. Necessarium igitur fuit, ut homines in conformatio quodam viverent, ut loqui inciperent; illud autem sine hoc diu existere potuisse, MONBODDIO haud facile largimur. Nam quod ille sibi persuadet (*o*), totas gentes societatis vinculo diu conjunctas, varias invenisse artes, ut v. c. picturam, ante artem loquendi; atque exemplis simiarum *Orang Outang* (quas, turpi earum cum nobis similitudine deceptus, homi-

nes

(*o*) Ib. L. II.

nes salutat), & gentis cuiusdam, quam DIODORUS NICULUS (*p*), mutam omnisque humani sensus expertem, in Indiæ oris vitam pescatu transisse fert, & animalium, quæ socialiter vitam degunt, probare conatur: hoc neminem facile in errorem ducet. Nam Orang Outang simiam esse, certo iam scimus, & ne organa quidem loquendi habere, Anatomi docent gentis stupidæ descriptio tam mira est (*q*), ut in numero fabularum, cuiusmodi omni tempore de gentibus remotis circumferuntur, eam merito referat HERDER (in Præfamine MONBODDI libro præposito); animalia denique *Politica* quæ vocantur, instinctu se consociant, loqui autem non discunt, quia & instrumentis loquendi & ratione carent.

Quod vero deinde arbitratur, artem loquendi adeo esse difficilem, ut non nisi post plura sœcula inveniri potuerit; hoc, eruptis duobus præcipuis, quibus nititur fulciminibus, sponte sua cadit. Unum est, quod argumen-

(*p*) L. III.

(*q*) Homines fanaticos, consilio, omnem fere exuere posse sensum, non negamus (vid. e. c. STEEB p. 249); ullos autem umquam extitisse natura plane *avauſdntws*, haud credimus.

menta in § I. allata, difficilem sc. organorum in foni edendis articulatis functionem, atque exempla mutorum surdorumque hominum & infantum, qui non nisi magno studio loqui discunt, nimis late extendit. Nam probant quidem, orationem usu esse descendam; non vero adeo esse difficilem ut plurimorum saeculorum laboribus ad hoc primis opus fuisset hominibus. Primum enim observandum est, heic non mentionem esse de lingua exculta & perfecta, quae non unius aetatis studio debetur; sed de primis loquendi conatibus, qui quasi materia erant rudis & informis, unde illa sensim fingeretur. Deinde, quod ad mechanicum attinet loquendi laborem, illum naturae non ita difficilem, ac arti esse videtur, existimamus; nam, in pedibus v. c. movendis, in cibo digerendo, in respirando &c. quantum natura, nobis insciis, machinatur! Scimus praeterea hominem difficillimas res imitando ita dicere, ut nesciat, quomodo didicerit; a naturali igitur clamore, ad variam vocis modulationem, non adeo erat difficilis transgressus, ut non cito eum facere possent homines. Infantum vero exemplum (de mutis & surdis, brutisque hominibus non opus est multa differere; nam eos non loqui, non est magis miran-

dum, quam plebem nostram non loqui Gallice), qui ante duos vel tres annos bene fere non loquuntur, plurimos saepe ad ceteras res discendas adhibentes, viri illustris sententiam non modo non confirmat, sed etiam refellit: sc. loquendi artem, utpote omnium difficillimam, omnium ultimo disci. Alterum asserti hujus fundamentum est falsa persuasio, homines, antequam vere loquerentur, in elementa sua sonos omnes resolvere scire oportuisse (difficiliorem fane rem, quam quæ ab agrestibus exspectanda esset hominibus); quam cum soveat, non mirum est, eum etiam scribendi artem non censere difficiliorem inventu quam artem loquendi. Nihil autem magis experientiae est contrarium, quam Philosophicam artis Analysin, usum debere ejus antecedere. Num Musica antea non fuit tractata, quam principia ejus Mathematice essent definita? Ipse deinde (L. IV. c. 2) confitetur, opera artis arte ipsa esse antiquiora. — Sed non opus est, ut diutius in hac re commoremur: genesis ipsa orationis humanæ, ad quam adumbrandam propius jam accedimus, illam optime illustrat (r).

Quam-

---

(r) Cfr. STEEB. p. 1056 & sqq.

Quamvis igitur MONBODDIO faciles adsentiamur, homines mutum & turpe pecus initio fuisse, *Horatium* non male dicere; tamdiu tamen eos bestias mansisse, ac ille cum ROUSSEAUO contendit, sibi dare, ipsa natura ingenii humani nos vetat.

## §. IV.

Naturalis nempe homini est propensio, sensus suos affectusque animi significandi aliisque notos faciendi; nec semper sua sponte hoc facit, sed saepe quasi cogitur id quod sentit indicare. Sic dolor, ira, laetitia, admiratio, indignatio signis se produnt unicuique propriis; "omnis enim (ut CICERONIS utamur verbis (f)) motus animi, suum quandam a natura habet vultum, & sonum & gestum: totumque corpus hominis, & ejus omnis vultus, omnesque voces, ut nervi in fidibus, ita sonant, ut a motu animali quoque sunt pulsae. Nam voces, ut chordae, sunt intentae, quae ad quemque tactum respondeant: acuta, gravis, cita, tarda, magna, parva; quas tamen inter omnes est suo quaque in genere mediocris"; His igitur linguis naturalibus (ita eas vocare quibus-

dam placet), vultu, & gestu & sono inarticulato, ante *artificialem* inventam, ad res inter se communicandas usi sunt homines; (*t*) atque hodie etiam, una cum hac, (agrestes maxime) utuntur. Nec dubitamus, hominem, etiam sola illarum ope, e brutorum prono se tollere potuisse grege; quamquam lente admodum fuisse proceſsurum, nec forte unquam hoc attacturum fastigium, quod jam linguæ quasi scalis adſcendit ingenium humanum, sponte damus. Compensat enim natura (ſeu malis ars & uſus) unam deficiētē facultatē alia perfeſtiore. Muti ſurdique nati, quam mire non modo ſenſus ſed etiam ideas gestu vultuque exprimant (*u*), omnes ſeimus. Atque notiſſima eſt res, Rofciūm

Ac

---

(*t*) Hoc non parua facit ad ſolvendum Problema, quod RousſEAU (vid. not. 1) proponuit, ei tam diſſicile viſum.

(*u*) Man betrachte einmal einen ſummern, wie er bei einer iñteſhanten ſache gleichsam in jeder muſkel redet, und wie viele geſchäftigen bevegungen und ausdrückende geſtilulationen er als denn besonders macht, wenn man ihm nicht verſteht. Er ergreift gleichsam den abwefenden gegenſtand mit ſeinen händen, und nimmt vor unſern augen alle operationen an dem ſelbigen vor, die ſich wirklich mit ihm zutrugten. Er mißt die dicke durch die aus-

ac Ciceronem aliquando certasse, uter eandem rem, ille gestibus, hic verbis, copiosius & ad intelligendum aptius exprimeret. At vero, artem mimicam loquendi arti plurimum tamen debere, haud negamus. Hoc autem pro certo habere possumus, naturam nos frustra homines non fecisse, hoc est, *potentiam* loquendi cum ratione intime conjunctam nobis prae ceteris animantibus frustra non dedisse. Huic igitur sensim procedenti, illam comitem esse oportuit, quae observata ejus adnotaret. Cum nempe homo, cuius in mente latebat cogitandi vis, non posset non cito animum attendere ad res, quarum ei usus erat necessarius, ideas singere tempestive discebat, quas vocibus significare, sicut gestu & vultu sensa sua solebat antea, mox incipiebat. Haec autem voces, utrum ex affectuum clamoribus essentiae, an sonantem imitando naturam essent creatae, quæstio, liti inter Philosophos materiam praebuit.

Inter hos MONEODEO, sonos continuos, qui cum brutis animantibus nobis sunt communes, quibusque

---

dehnung seiner hände aus, er umschreibt die figur, er deutet an den ort u. s. w." STEEB p. 1019. Ex his judicare licet, quam longe, Homo elinguis, sed ratione praeditus, necessitate duce, progredi potuisset,

gentes agrestes non modo ad diversos exprimendos animi motus, sed etiam ad varias significandas res, ut bella, redditum, prædam &c. utuntur diversis, homines modulari incepisse, ac sensim consonantibus (quos in rudioribus linguis pauciores esse, labialibus præsertim deficientibus, observat) vocales interpongere, atque ita articulata demum oratione, clamorum loco, uti didicisse, existimat (v). HERDERUS autem, hominem, notis quibusdam egentem, quas ideis rerum, in mente sibi formatis, adjungeret, cum auditum (& vividorem quam tactum, & minus diffusum quam visum) soni rerum varii percellerent, hos imitari & pro signis adhibere, quibus unam ab altera distingueret, cœpisse, contendit (x). Nobis utraque hæc via in unum ducere videtur; nam eti a veritatis specie non abhorret, clamores illos inarticulatos, ad quos tollendos sentiens sua natura homines cogeret, arbitraria deinde factos esse signa, quibus mutuo sensa sua sibi communicarent, quosque deinde modulari & articulatos reddere didicissent (qualis originis interjectio-

(v) L. III c. 4. Cfr. STEEB p. 1661.

(x) L. c. Cfr. IRWING Erfahr. und Untersuch. über den Menschen II B. 4 d. 5 Abtheil.

jectiones saltem omnibus esse in linguis, in confessio  
est); hoc tamen non impedit, quominus simul res,  
quarum soni aures & animum eorum moverent, di-  
verso cujusque sono imitando inter se fecerent.  
Sic *Tonitru* v. c. imitatione soni sui tonantis esse no-  
minatum, quis dubitet? *Vind Suetice*, ventus, a *hui-*  
*na*, sibilare, originem ducere videtur; *cucus*, in pluri-  
mis linguis idem pæne nomen gerens, hoc a voce  
sua obtinuit; ut plura taceamus exempla. Sed obji-  
cietur: rerum quidem sub auditum cadentium nomi-  
na ejusmodi esse possunt originis, quæ autem non nisi  
ceteris percipiuntur sensibus, quæ fuit nominandi ra-  
tio? Quærenda est, respondemus, in associatione  
idearum, quæ quam sit homini familiaris, unicuique  
notissimum est. Sic arbori v. c. ubi avis quædam  
canere audita est, a cantu hoc mutuatum nomen dari  
potuit. In pluribus præterea linguis, nomina muta-  
rum etjam rerum, sono suo quasi pingere easdem vi-  
dentur: e. c. *Suetice blixst, straf*, Latine *molle, rigi-*  
*dum, &c.* Observa etjam, nomina partium oris, qui-  
bus in loquendo utimur, litteras, quas exprimere cu-  
jusque munus est, plerumque amare: e. c. *gom, gut-*  
*tur, hals, kurkku, lingua, kiel, dens, tand, labia, lâp-*  
*par, nôja, nez, nenâ*: in suo quæque nomine dicendo ma-  
xime

xime occupatur. Metaphoris quoque multæ res, abstractæ in primis, nomina sua debent: Sic *arg*, *ira*, *ogyn*, *irritare* sonum canis irati imitantur (y). Sic *anima*, *ande* Suetice, *hengi* Fennice, & halitum & mentem hominis significat, quod in plurimis quoque aliis linguis observatur. Atque si phrases omnium linguaram examines, plurimas earum tropicas esse ac figuratas, facile videbis, quas vero usus quasi proprias jam reddidit. Exempla colligere, Lector facile ipse poterit. Casum denique in hac, ut in omnibus rebus humanis, potentem fuisse putandum est.

Ex his autem cerni potest, quantum erraverint, qui arbitraria quadam inter homines facta stipulatione, primam creatam esse linguam existimarent (z).

Ab-

---

(y) Chr. SUTZER Anmerk. über den gegenseit. einfluß der vernunft in die sprache, und der sprache in die vernunft, in ejus Verw. Phil. Schriften i Th. p. 176.

(z) Hujus videtur fuisse sententia e. c. MAUPERTUIS: "Ce ne fut peutetre, qu' aprez bien des temps ecoules, qu' on en vint à une maniere de s' exprimer independante des gestes & des tons. On s'apperçut que sans agitation du corps & sans efforts du gosier, par de simples battemens de la langue & des levres on pouvoit

Absurdum est credere: homines, qui adhuc essent elinguës, & ideo a bestiis non valde abhorrerent, necessitatem, usum & naturam linguæ articulatæ perspicere potuisse, & de ea arbitrarie instituenda expresse pacisci novisse. Hunc vero naturalem orationis ortum, non nisi pauca in nostris jam linguis vestigia prodere, tantis factis rerum mutationibus, quis miretur? Germen e terra surgens non valde simile est arbori, jam flores fructusque ferenti; ex illo tamen hæc accrevit. Vocabulorum eadem est ratio ac Hieroglyphicorum Sinensium, quæ cum initio naturales essent rerum imagines, a prima sensim forma magis magisque detorta, jam plurimam partem arbitraria videntur esse signa.

D Le-

---

former un grand nombre d'articulations combinables à l'infini: on sentit l'avantage de ce nouveau langage: tous les peuples s'y fixerent; & ce fut la parole — Tout le reste n'a plus été que des conventions particulières de variations d'articulation.

Inter veteres jam quæstio erat agitata: Utrum nomina rerum essent natura, an impositione? *Φυσις η Σετος*, vid. PLATO in *Cratylo*. Apud A. GELLUM *Noct. Att.* L. X. c. 4. hæc leguntur: "Nomina verbaque non posita fortuito, sed quadam vi & ratione naturæ facta esse, P. Nigidius, in Grammaticis Commentariis, docet;

Legem igitur naturæ generalem, quæ homini, sicut ceteris animantibus, injungit, ut sensa sua interna externis indicare conetur signis, atque imitantem hominis naturam, duos illos fuisse stimulos, qui organa loquendi & rationem, insignia ideis suis quærentem, ad linguam formandam commoverent, merito concludimus.

## §. 5.

**T**e sane in Philosophiæ dissertationibus celebrem. In eam rem multa argumenta dicit, cur videri possent verba esse naturalia, magis quam arbitraria: *Nos*, inquit, cum dicimus, motu quodam oris conveniente, cum ipsius verbi demonstratione utimur, & labias sensim primores emovemus, ac spiritum atque animam porro versum, & ad eos, quibus consermocinamur, interdimus. At contra cum dicimus *Nos*, neque profuso intentoque statu vocis, neque projectis labiis pronunciamus; sed & spiritum & labias quasi intra nosmet ipsos coercemus. Hoc fit idem & in eo quod dicimus, *tu*, & *ego*, & *mibi* & *tibi*. Nam sicuti cum admiuimus & abnuimus, motus quidam ille vel capitis, vel oculorum, a natura rei quam significat, non abhorret, ita in his vocibus quasi gestus quidam oris & spiritus naturalis est. Eadem ratio est in Græcis quoque vocibus, quam esse in nostris animadvertemus." Cfr. BLAIR I. c. p. 164. Systematis FULDAE de formatione linguae notitiam haurias apud STEEB I. c. p. 1153. Cfr. DE BROSSES Cap. 6.

## §. V.

Orationis, ut omnium rerum humanarum, pri-  
mum habitum admodum fuisse rudem, cum ex ad-  
umbrata hae sua genesi judicari, tum barbararum quæ  
hodie existunt linguarum documentis probari potest.  
Apte ad hanc pingendam rem Pater Poëseos nostræ  
hodiernæ, canit:

När mänskjan, vild och rå, var alfröd af naturen,  
I lätet af sin röst hon stämde in med djuren.

Af vanan fortfor hon at härlma deras skrik,

När hon i samfund gick, och var ännu dem lik.

Med möda i et språk hon stämmän ändtlig böjde,

Som fattigt, sträft och hårdt sit läga ursprung röjde.

Abundantia vocalium, quæ, e. c. in voce *oueouelim*  
(quod in Dictionario linguae Algonkinicæ **LA HONTAN**  
interpretatur esse *voila qui est bien* ( $\alpha$ )), ortum a sono  
inarticulato aperte prodit; longitudo vocabulorum,  
qualia sunt *v. c. poëtazzarorincouroac*, numerum *tres*  
genti *had* flumen Amazonum habitanti valens ( $\alpha$ ),  
*gannunnonasch*, qnod *nostram*, & *natoootomvehteaonk*,  
quod *quaestionem* alii genti Americanæ significat ( $\beta$ );  
rara plurium consonantium collisio ( $\gamma$ ); frequentia

( $\alpha$ ) MONBODDO L. III. c. 6.

( $\beta$ ) STEEB p. 1100.

( $\gamma$ ) MONBODDO l. c. Negri facit mentionem, qui similiter  
ac nostri Fenni dicunt *Tukkulmi* pro *Stukkulmi*, di-

onomatopoeticorum; incredibilis synonymorum copia ( $\delta$ ); penuria aliorum vocabulorum non minor; compositio, derivatio, inflexio, syntaxis (quattuor illæ primariæ linguae laudes) aut nullæ aut valde mancæ; metaphoræ audacissimæ, ex defectu propriarum vocum oriundæ; vocabula totas theses significantia ( $\varepsilon$ ); defectus adjectivorum ( $\zeta$ ); ideæ accidentium in nomina substantiva ingredientes ( $\eta$ ); verba non actionem solam

cebat *table* pro *stable*. Littera F, ut in Fennica, sic in plurimis linguis Americanis desideratur. Vid. DE BROSSES §. 75.

( $\delta$ ) In lingua Arabica sunt 50 nomina Leonis, 200 Serpentis, 20 Mellis, & 1000 Ensis (vid. HERDER I. c. p. 127); quorum tamen diversam quodque rei quam significat, proprietatem simul spectat. Cfr. STEEB p. 1111.

( $\varepsilon$ ) Sic Huronice aliud vocabulum significat: *est aquæ in stella*; aliud: *non est aquæ in stella*.

( $\zeta$ ) Nullum e. c. est vocabulum, quod *bonum* abstracte denotet; sed *tu es bonus*, *ille est bonus* &c. suo quodque exprimitur verbo.

( $\eta$ ) Sic *tuus Pater*, *meus Pater*, *eius Pater* diversa sunt vocabula; nullum est, quod Patrem universæ significet.

Iam, sed etjam rem quæ agitur exprimentia (§); inopia litterarum labialium, e gutture enim & quasi adspirando plurimæ pronuntiatæ sunt voces; hi sunt (ut ceteros jam omittamus) præcipui *charakteres aetatis puerilis orationis humanae.*

Hoc autem ita non est intelligendum, quasi omnes linguas rudiores iisdem laborare vitiis credamus; varia enim sunt variarum gentium ingenia, e diversitate climatum, nutrimenti, vivendi generum & ceterarum rerum magnopere pendentia. Universe autem ejusdem fuisse indolis primorum hominum loquendi conatus, ac infantum hodie sunt, autumamus: pri-  
mum nempe *singula* solummodo enuntiabant vocabula; deinde nomina & verba juxta collocando, sed se-  
juncta & sudium instar, nullo inter se nexu vincitorum,  
totas exprimebant sententias; postremum denique *conjunctionibus* (quas dicunt Grammatici) vocabula  
connectere, nomina *declinare*, verba *conjugare*, atque  
unam alteri implectere periodum, ut quæ antea sepa-  
rata essent, unam deinde orationis catenam forma-  
rent, usu didicerunt.

## D 3

## Ob-

(§) Aliud verbum denotat: *lignum secare*, aliud *vestes*, a-  
liud *carnem secare*, & sic in ceteris. Qui ulteriore rei  
hujus cognitionem desiderat, adeat MONBODII L. III.

Observari autem merentur due laudes, quibus plerumque linguas hodiernas cultiores (Græcam non item & Latinam) antecellunt barbaræ: *accentus* sc. & *gestus*, quibus oratio quasi canitur & pingitur. Quarum tamen fundamentum in vitiis earundem linguarum naturalibus latet; deficientibus enim verbis, idem vocabulum modo variabant (1), & quod obscurius esset, gestu ac vultu interpretabantur (2). In hac vero, ut in ceteris rebus humanis, quod necessitas genuit, luxuria adoptavit. Scimus enim Græcos ac Romanos, cum distissimæ essent linguae eorum, accentum tamen & gestus apprime servasse, quod non parum ad vim eloquendam contribuit.

(1) Notum est, Sinensium sermonem cantui esse simillimum; unum enim vocabulum, diverso pronuntiatum sono, diversas res denotat.

(2) "Wenn die Grönländer erzählen wollen, wie sie einen seehund geworfen haben, so beschreiben sie aufz genaueste die zeit und ort, nebst einen jeden bereugung, den sie und der seehund gemacht haben, zeigen mit der linken hand alle creuz- und quversprunge des thiers, und mit der rechten alle bereugungen des boots und des armes, wie sie den pfeil ergreifen, wie sie damit ausgehohlt, endlich geworfen haben, und das alles so natürlich, daß man ihnen, wie Crantz sagt, mit vergnügen zuhört und zusiehet." STEEB p. 1019.

quentiae eorum augendam conferebat (λ). Italis & Gallis hodie hujus rei inter Europaeos palma debet.

### §. VI.

Nata igitur recens lingua, cultu quidem diu carebat, non autem nutrimento; nam cum alter alterius auxilio opus haberet, homines facile sentire debebant usum rei, qua longe copiosius, quam vultu & gestu, mutuam sibi explicare possent sententiam. Deinde quia ad sensa sua cum aliis communicanda & ad narrandum valde pronus est homo, inventa procliviore huic desiderio satisfaciendi via, non potuit non libenter uti. Quid denique a parentibus magis erat exspectandum, quam, ut liberos suos variarum rerum nomina docendo, & cum illis fabulando, hoc posteritati propagarent inventum? Mulieribus in primis, quae praeterquam quod natura sint loquaciores sensilioresque, domi semper maneabant, maribus plerumque extra familiam venatu aliquisque rebus occupatis, vel, si domi essent, somno

indnl-

---

(λ) Vid. BLAIR l. c. p. 171.

indulgentibus, ut solent hodieque homines a-  
grestes), nutritæ & curatæ pueritiae linguæ laus  
debetur; sicut poëtis, adolescentiae ejus formatæ  
gloria competit.

Versabatur autem antiquissimorum hominum oratio,  
scut puerorum, circa res, quæ sensus eorum move-  
rent, & præsentem aut usum aut delectationem spe-  
ctarent. Cum non longius fere perspicerent, quam  
quo manus extendere possent, rerum sublimiorum ac  
vel citra vel ultra præsens tempus positarum (parva  
enim erat memoria præteriorum, & in futura minor  
attentio siebat) mentionem fieri non potuisse, nemo  
non intelligit. Venatu autem, piscatu, magicis arti-  
bus (supersticio enim nutrix humani generis fuit, si-  
c ut hodieque est nutricum dea) aliisque ejusmodi re-  
bus, cum maxime essent occupati; quæ ad eas per-  
tinerent, primæ nutrimentum fuisse linguæ (itemque res  
in familia administranda occurrentes), judicandum est.  
Sed non modo loquebantur de his, sed ea etiam canere  
tempestive incipiebant. Loqui scilicet & canere simul  
fere cœpisse homines, credas: avium forte exemplo  
(ut communis est opinio) ad hoc excitatos; nec eo-  
rum sententia, qui primum sermonem cantui similli-  
mum putant, a veritate aborrere videtur (Cfr. §. §.)

4 & 5). Mature saltem sororias hasce' facultates conjungere, & non modo sonos, nihil significantes, ululare, sed etiam verba modulari & res canere didicerunt. Inter has venatum & magicam rem in primis cantu suisse celebrata: vel carmina nostrorum Fennorum, *Runot* appellata, documento sunt. Ipsum nomen *vatis* apud Romanos innuit, primos poëtas hujusmodi rebus operam dedisse. Enthusiasmum vero Poëticum potibus etiam alebant fortibus, quales ex variis concoquere herbis tempestive didicerunt homines: ut ex barbararum, quas novimus, gentium exemplis judicare licet. Sed non modo vates, verum etiam doctores ac legumlatores primorum hominum fuere. Præcepta moralia rhythmis includere, proverbia dicere, sera hominum mollire ingenia, artes docere utiles demum incipiebant: quales fuere *Orpheus*, *Linus* &c. Bella denique inter homines, rerum penuria necessariarum laborantes, incensa, divitem Poësi suppeditabant materiam. Jam *Homerus* & *Offian* caneabant: jamque juvenilem *Oratio Humana* inibat ætatem. Non displicebit, spero, L. B. pulcherrimam verisimilamque hujus rei imaginem, *Horatiano* adumbratam ingenio, heic adjunctam contemplari:

Silvestres homines facer interpresque deorum  
 Cædibus & vietu fœdo deterruit Orpheus;  
 Diclus ob hoc lenire tigres rabidosque leones.  
 Diclus & Amphion, Thebante conditor arcis,  
 Saxa movere sono tefludinis, & prece blanda  
 Ducere quo vellet. Fuit hæc sapientia quondam,  
 Publica privatis fecernere, sacra prolanis;  
 Concubitu prohibere vago; dare jura maritis:  
 Oppida moliri; leges incidere ligno,  
 Sic honor & nomen divinis vatibus atque  
 Carminibus venit. Post hos insignis Homerus  
 Tyrtaeusque mares animos in Martia bella  
 Versibus exacuit. —

Primam igitur Historiolæ nostræ Periodum bre-  
 viter, ut polliciti eramus, perecurrimus: ea fecuti lu-  
 mina, quæ in re obscura clari nobis prætulerunt viri;  
 nam ut singulorum hominum, sic totius generis in-  
 fantia ita dilapsa est, ut quæ de ea reminiscamur, non  
 nisi somniorum instar videantur. Ceteras Orationis Hu-  
 manæ ætates olim, si ita fata velint, descripturi sumus.

